

中國方志叢書·華中地方·第二〇五號

據


清·雷銑修，王棻纂
清光緒六年修，民國廿四年重印本

影印

浙江省

青田縣志

成文出版社有限公司印行



10101484

中國方志叢書·華中地方·第二〇五號


據

清·雷銑修，王棻纂
清光緒六年修，民國廿四年重印本

影印

浙江省

青田縣志



成文出版社有限公司印行



10101485

中國方志叢書·華中地方·第二〇五號


據

清·雷銑修，王棻纂
清光緒六年修，民國廿四年重印本

影印

浙江省

青田縣志



455/14
成文出版社有限公司印行



10101486

中華民國六十四年 月臺一版

青田縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

青田縣志

温州朱公茂印書局承印

清光緒元年乙亥八月開雕
二年七月工竣板藏縣署寅
賓館民國元年毀於水二十
四年乙亥八月重印

重印青田縣志序

稽古博足資攷證述往事以闡潛幽志亦尙矣青田山川秀拔代有達人志創於明景泰間勝清康熙丙寅雍正戊申一再增訂乾隆丁酉別爲續志光緒元年雷令銑延黃巖王孝廉棻主其事副以邑孝廉葉枝玉章楷二宿儒部分類聚有條不紊爲類十二卷十八蔚爲大觀於今垂六十年矣建國初山洪暴發閭里爲墟志之存者僅矣余先後問政斯邦六載愍文獻垂滅欲重修者再顧纂輯事繁且重又水旱頻仍元元凋敝乃寢然恐散佚無徵爲考古者病晚近風俗嬗靡每下愈况求誠樸如古人者不數數覩焉誠能觀摩古人追師往哲去僞而履拙以

忠誠爲天下倡則氣機鼓動敦風俗成教化其效又豈政刑之所及哉然則志之用固別有在非僅爲攷證闡幽已也爰爲翻刊廣流傳庶一邑典章文物有徵而前人之緒不斬來者有所取法也若夫搜其逸而筆之書正其譌而補其遺則有賴於後之君子焉於是乎序

民國廿四年夏月雁蕩鄭邁

序

志家體例難言之矣。引博或傷於繁，記載約又病於簡。昔人稱范氏吳郡志繁而不蕪，康氏武功志簡而不略。洵善本哉。余自同治丁卯承乏甌括，訪求各屬邑志，乘大半闕如。蓋處郡再經兵燹，鐫版無存，書亦殘缺，失次可慨。已因謀之郡守潘君檄各縣纂修志乘。於是景甯周大令首輯成書，余既序之矣。今青田雷大令復以新志屬余，點定余讀之，喜其繁簡得宜，不襲前人窠臼。其所增訂者爲金石二卷，書目一卷，所刪併者爲壇壝祠宇禋祀叢祠而統之以壇廟。若夫冠薦辟於選舉，則古制未湮；退仙釋於雜志，則異端必黜。其他筆削具有深意，乃作而歎。

曰不亦善乎抑余聞青邑志自明景泰始迨嘉靖至我

朝康熙率百餘年一修若乾隆丁酉有續志非修也今又閱百
年放佚舊聞何可勝道而乃旁搜遠紹一一筆之於書文獻之
徵將於是乎在且青邑負山面溪延袤二百餘里磅礴鬱積發
爲偉人如鄭東谷陳叔向劉文成近世則有韓湘巖端木鶴田
諸君子項背相望爲浙東所罕有今亦少衰矣而風俗樸茂性
情質直猶昔也根生大令承彫剋之餘興利除弊不遺餘力而
又能授簡通儒奮然有志於是不踰年而告蒞其不秦越其民
而傳舍其官於斯可見不大異乎俗吏之所爲耶是爲序

光緒丙子八月分巡溫處海防兵備道方鼎銳撰并書

序

官斯土者有志以成一代之書紀實以垂後誠盛舉也古者太史陳詩以觀民風上資政治之規畫下起民俗之奮興不獨斤斤焉徵故實而已今則輜軒之迹不至歌謠之作鮮聞而攷古徵今信以傳信郡縣之志不可不亟講也青田爲古括蒼地山川清淑靈秀鬱鍾前明誠意伯爲一代偉人自是以後英髦迭出非僻壤陋區者比志書自康熙迄乾隆續纂之後修者尠焉自經荒亂蝸蟪沸羹文獻籍田村虛邑井顛如焚如撥亂以來子遺者衆遷徙者歸如病之蘇如歆之整民繁生養士勵琢磨於今十有餘年惟志乘就湮軼事多缺識者不無憾也邑令雷銑大懼失此不修後來茫無所據而大吏復檄而趣之乃與邑

人士博采詳諮雖隱必發雖細無遺就舊志參而輯之事徵其實善從其長宏綱細目裒然秩然爲類十有二爲卷十有八視舊帙而加善焉亦可謂盛舉矣夫國中不幸洊遭兵燹元元凋弊人不給食士罔著書欲求若稗乘詩史之作可信今傳後以資採擇者不得一二而窮鄉奧區之通人碩儒烈夫義士節婦貞媛埋沒於荒榛敗礫中所在多有使無以搜其逸而筆之書則年湮代遠沒而不彰不特罔慰幽潛之心亦安足使後之人咸動奮發國俗之蒸純茂而戒澆薄耶予故視其成而樂爲之序也

光緒二年夏四月溫處觀察使者福州梁恭辰撰并書

序

志乘之作所以昭法守示激揚典甚鉅也蓋一邑之方隅雖限而沿革山川官師選舉風俗人文物產靡不釐然各具上與國史同功故執是業者義例稍有未精往往體裁乖當繁簡失宜或過事鋪張儒林與理學畛分固覺無謂卽務求省約老子與韓非串合亦儼不倫至承謬襲訛徇私附麗絕無糾正發明卒難免淺陋蕪穢之誚此秉筆者恒虞難得其選也青田僻處岩壘扶輿磅礴賢哲間生久爲括蒼人才弁冕舊志自乾隆間纂修後迄今已百餘年近遭粵匪蹂躪典章文物幾同碩果僅存余來守是邦屢檄有司亟圖編葺輒因費絀不果行嗣雷君更

曰不亦善乎抑余聞青邑志自明景泰始迨嘉靖至我

朝康熙率百餘年一修若乾隆丁酉有續志非修也今又閱百
年放佚舊聞何可勝道而乃旁搜遠紹一一筆之於書文獻之
徵將於是乎在且青邑負山面溪延袤二百餘里磅礴鬱積發
爲偉人如鄭東谷陳叔向劉文成近世則有韓湘巖端木鶴田
諸君子項背相望爲浙東所罕有今亦少衰矣而風俗樸茂性
情質直猶昔也根生大令承彫剗之餘興利除弊不遺餘力而
又能授簡通儒奮然有志於是不踰年而告歲其不秦越其民
而傳舍其官於斯可見不大異乎俗吏之所爲耶是爲序

光緒丙子八月分巡溫處海防兵備道方鼎銳撰并書

重修青田縣志序

同治十有二年冬十月銑奉檄攝青田事始至與郡人士相見具詢邑之掌故與民所疾苦僉言邑當甌括衝羣山所都水土瘠薄歲入鮮少我

國家薄賦輕徭蠲荒免租殊恩疊沛而邑之窮苦如故也時和歲豐盜賊不作四鄰謳歌而邑之饑疲如故也斯民困甚然而山水名勝風俗樸茂文物懿燦一郡稱首焉惟邑志自康熙丙寅張侯皇輔始一修之雍正戊申萬侯里增訂之乾隆丁酉吳侯楚椿別爲續志今且百年未能修葺邑大夫之政績鄉先生之文章政事湮沒不彰所係甚鉅此誠今日之急務也銑退而

思之撫民者令之職若重修志乘當姑待之會明年奉檄趣修志乃與都人士謀以今歲二月開局縣署之東廳延黃巖王孝廉榮總其事而邑孝廉葉君枝玉等佐之仍屬邑紳孫君騰驤等司捐輸採訪之役銑親詣局與諸君往復商榷發凡起例合康熙乾隆二志改併增刪接其後事閱四月而書成諸君請敘序其簡端竊惟志之義本於史而其體與史略異史載歷代帝王之事故首本紀而表志傳次焉志載一方輿地之事故首建置沿革而山川風土人物藝文次焉史之體侔於作故援據羣書不言出典志之義主於述故引用羣籍富著所由史善惡並書志則稱美而不稱惡此三者志與史異也史據事直書志亦

據事直書史例稱名志亦當稱名史有表志傳志亦有表有志
有傳此三者志與史同也天下志書衆矣當其編輯之初人人
自謂無恨而後人推論輒多異同或體備正史則近乎僭或錄
時彥詩文爲生者立傳則近乎濫其他失繁失簡均有可議卽
如青田舊志張氏網羅頗富功在斯文吳氏考辨綦詳志存正
俗而煩濫皆所不免至於金石文字概付闕如著書篇目有同
計簿人物則分類冗雜藝文則內外不分此皆體例之未善者
也且夫地志之書必以文獻爲重金石書目人物詩文文獻之
大者也前志廣錄今文濫及今獻而於古之文獻聽其繁簡失
宜冗雜無緒則其不足而無徵也豈顧問哉今之撰述一以前